



**Republika e Kosovës
Komuna e Drenasit
Kuvendi i Komunës**



Nr 02 170 76107 dt. 27 10 2022

Bazuar në nenin 11,12,dhe 40, të Ligjit për Vetëqeverisje Lokale Nr.03/L-040, nenit 34.pika 34.6, të Statutit të Komunës së Drenasit, bazuar në nenin 3, pika 3.5 të Statutit të Komunës së Drenasit, Kuvendi i Komunës së Drenasit në mbledhjen e mbajtur me datë, **27.10.2022**, miratoi këtë:

V E N D I M

Për shpalljen e Prof. Dr. Bamir Topi "Qytetar Nderi" i Komunës së Drenasit

Neni 1

Më këtë Vendim të Kuvendit të Komunës miratohet shpallja e Prof. Dr. Bamir Topi "Qytetar Nderi" i Komunës së Drenasit.

Neni 2

Titulli "Qytetar Nderi" Prof. Dr. Bamir Topi i jepet për kontributin e tij në promovimin e Republikës së Kosovës në skenën ndërkombëtare, duke mbështetur dhe përkrahur pa rezervë interesin nacional.

Neni 3

Titulli Qytetar Nderi sipas këtij Vendimi do të ndahet nga kryetari i Komunës, i cili autorizohet të përcaktoj formën e dekoratës, mënyrën e dhënies si dhe çështjet tjera sa i përket organizimit të ndarjes së titullit.

Neni 4

Për zbatimin e këtij Vendimi do të kujdeset Kryetari i Komunës së Drenasit.

Neni 5

Ky vendim hynë në fuqi 15 ditë nga dita e regjistrimit dhe vlerësimit të ligjshmërisë nga MPL-ja, si dhe 7 ditë nga publikimi në Web faqen zyrtare të Komunës.

Vendimi i dërgohet:
Zyrës së Kryetarit ;
Drejtorisë Përkatëse;
Zyrës së Kuvendit;
Arkivit;
Palës;



Kryetari i Kuvendit të Komunës

Millam Hajdari

ARSYETIM

Prof. Dr. Bamir Topi lindi në Tiranë më 24 prill 1957 në një familje autoktone tiranase me tradita intelektuale e qytetare.

Pas përfundimit me rezultate të larta të studimeve në Universitetin Bujqësor të Tiranës, Fakulteti i Mjekësisë Veterinare, Prof. Dr. Bamir Topi nisi punën në Petrelë, në Tiranë, ku spikati për përkushtimin dhe aftësitë e tij në fushën e Toksikologjisë dhe Farmakologjisë.

Në vitin 1984 emërohet bashkëpunëtor shkencor në Institutin e Kërkimeve Shkencore Veterinare, ku qëndroi deri në vitin 1995. Në vitet 1987-1990 kreu studimet pasuniversitare në Itali në fushën e Biologjisë molekulare, studime që i përfundon me marrjen e gradës Doktor i Shkencave. Pas kthimit nga Italia, u emërua Drejtor i Institutit të Sigurisë Ushqimore dhe të Veterinarisë, pozicion që e mbajti deri në fund të vitit 1995.

Krahas punës si kërkues shkencor, Prof. Dr. Bamir Topi ka kryer edhe një aktivitet të ngjeshur akademik, në përgatitjen e programeve mësimore të Lëndës së Toksikologjisë dhe Farmakologjisë për studentët dhe pasuniversitarët e Fakultetit të Mjekësisë Veterinare; ka qenë gjithashtu lektor i këtyre lëndëve për një periudhë gati dhjetë vjeçare. Z. Bamir Topi merr titullin Profesor në vitin 1995. Krahas aktivitetit shkencor e pedagogjik, Bamir Topi ka edhe një aktivitet të gjerë politik, i cili daton që me fillimet e lëvizjes demokratike në vitin 1990. Në vitin 1996 u zgjodh për herë të parë deputet i Kuvendit të Shqipërisë dhe u emërua Ministër i Bujqësisë dhe Ushqimit deri në vitin 1997, kur Partia Demokratike kaloi në opozitë.

Prof. Dr. Bamir Topi është zgjedhur tri herë deputet i Kuvendit të Shqipërisë, dy herë N/Kryetar i Partisë Demokratike dhe Kryetar i Grupit të saj Parlamentar.

Prof. Dr. Bamir Topi, Presidenti i Shqipërisë në vitet 2007-2012, është ndër personalitetet e shquara të historisë së re të Republikës së Shqipërisë dhe kombit shqiptar, i lidhur ngushtë me fatin dhe çështjen e Kosovës.

Kontributi i tij, në krye të Republikës së Shqipërisë, i dha hov edhe promovimit të Republikës së Kosovës në skenën ndërkombëtare, duke mbështetur dhe përkrahur pa rezervë interesin nacional.

Angazhimi i tij në politikë dhe drejtimin e shtetit, përkrahjen e Kosovës dhe interesit të përgjithshëm nacional, është arsye për ta shpallur "Qytetar nderi" të komunës së Drenasit.